



S

B

Obca

Teology

11.343.

SANCTISSIMI IN CHRISTO PATRIS
ET DOMINI NOSTRI DOMINI

C L E M E N T I S

DIVINA PROVIDENTIA

P A P Æ XIII.

LITERÆ DECRETALES

SUPER

CANONIZATIONE,

B. JOSEPHI CALASANCTII

A MATRE DEI

Fundatoris Ordinis Clericorum Regularium
Scholarum Piarum.



R O M Æ MDCCLXVII.

Ex Tygraphia Reverendæ Cameræ Apostolicæ.

Teologia obca

drug. egz. pod klasz.

IN CHRISTO PATRIS
ET DOMINI NOSTRI DOMINI

CLEMENS

DIVINA PROVIDENTIA

P. A. P. E. XIII.

LITTERAE DECRETALES

SUPER

ANNONCIATIONE


B. JOSEPHI CALASANTII

A MATRE DEI

Fundatoris Ordinis Clericorum Regularium
Scholarum Rituum



VERIFICATION




R. O. M. E. MDCCCLXXII.
In Typographia R. Venerabilis Curiae A. Belloni



CLEMENS EPISCOPUS.

SERVUS SERVORUM DEI

Ad perpetuam rei memoriam.



Admirabilis sane Omnipotentis Dei providentia, tum in constituenda, tum in servanda Ecclesia, quam Christus acquisivit sanguine suo, jam inde ab ejus primordio ad hanc usque diem illustribus, & præclarissimis, ut ab omnibus facile conspici possent, sese prodidit argumentis. Per omnes enim ætates benignissimus Deus homines in ea sanctissimos excitavit, qui studio alienæ salutis incensè juvandis quoquomodo fidelibus adlaborarent. Quum autem cujuslibet ætatis homines Sanctorum virorum studio atque opera indigeant, ne ignorantia tenebris obcæcati meliora non videant, vel etiam si videant, a concupiscentia sua abstracti, & illecti, deteriora sequantur; tenera profecto & puerilis ætas, singula rem quamdam & præcipuam curam requirit, ne sibi relicta atque inculta, voluptatum lenocinio, paulatim ad vitia defluat, sensus quippe & cogitatio humani cordis in malum prona sunt ab adolescentia sua. Quapropter tametsi Christus Dominus omnes promiscue ad se accedentes humanissime exciperet, pueros tamen eximio

quodam amore complectens, finite, iquit, parvulos venire ad me. Novissime vero cum rediturus ad Patrem Beato Apostolo Petro quem Vicarium in Terris suum constituerat, Ecclesiam sibi carissimam regendam, & pascendam committeret, Oves quidem, per quas Adulti intelliguntur, non amplius quam semel, Agnos vero quibus Pueri designantur, semel atque iterum commendavit.

Itaque quum B. JOSEPH CALASANCTIUS a MATRE DEI, genere doctrinâ, virtute præstans, secum animo reputaret in optima puerorum institutione spem, Reipublicæ Christianæ certissimam positam esse, & pueros videret, inopes præsertim, atque infimæ sortis, propterea quod idoneâ, & singulari disciplinâ carerent, velut Agnos sine Pastore hac illac errabundos, & vagos facile ad vitia deflectere, pro eo, quo flagrabat, alienæ salutis studio hanc sibi, despicabilem forte apud homines, apud Deum vero gloriosam provinciam deposcens, ad eosdem, a teneris usque annis literis ac pietate informandos animum appulit. Et primo quidem suâ, atque aliorum ab se conductorum operâ usus est ad id muneris, in quo nimirum charitas simul, atque humilitas mutuam sibi operâ dabant. At processu tēporis reputâs piû istud opus defuncto sibi superstes esse non posse; novum in Ecclesia Dei Regularem Ordinem excogitavit, sapienter, & per summam patientiam instituit, cujus labore atque industriâ, quod sancte ipse & utiliter inchoasset, in omne deinceps tempus maneret. Quot autem, quantosque labores exhausit, ut cogitata perficeret, quam constanti animo aspera quæque toleraverit, quam præclara denique virtutum omnium, cunctis quidem fidelibus, sed suis potissimum Filiis monumenta reliquerit, dici vix potest.

Quapropter quum bonorum operum Author idem, & largissimus renumerator Deus, qui BEATUM hunc Servum suum tot, & tam præclaris virtutibus decoravit, easdem subinde, editis per ipsius Servi sui invocationem miraculis ostendere, & palam facere dignatus fuerit, Nos idcirco virtutum, & miraculorum examine habito perquam diligenti, in consilium adscitis,

(V)

tis Venerabilibus Fratribus Nostriſ S. R. E. Cardinalibus, auditis etiam Patriarchis, & pluribus Archiepiscopis & Episcopis in Urbe congregatis, ac divino Spiritu humiliter invocato, eundem B. JOSEPHUM Sanctorum numero adscribimus, atque eo, qui Domesticos Dei decet, in Cælesti Curia honore & cultu prosequendum esse statuimus & declaramus.

BEATUS hic Servus Dei Peraltæ Salis Aragoniæ Oppido non incelebri, anno a reparata salute MDLVI. Parentibus natus est antiqua nobilitate clarissimis. Jam inde a teneris annis suavitate morum, lenitate, patientia, precandi studio, cultu Deiparæ singulari, qualis futurus esset haud obscure indicavit. Grandiuscula mox ætate pueros munusculis ad sese alliciens avocare a vitiis, ad virtutem impellere, ad Dei cultum hortari solebat, ut proinde Sancti apud omnes nomen & famam adeptus, instituendo ab se Ordini producere quodammodo videretur. Humaniorum artium doctrinâ satis jam excultus ad præstantiores Jurisprudentiæ, ac Theologiæ facultates animum appulit, atque in iis quidem nulli secundus; innocentiam vero, castimoniam, integritate morum supra ceteros eminebat. Quod enim tempus plerique adolescentum ludis atque otio, religionis ille ac pietatis officiis impertiebat. Solitudinis studiosus continebat se domi, nisi vel ad templum pietas (quod frequens erat) vel necessitudo, studiorumque communio ad æqualium quandoque consuetudinem, & colloquium vocaret. Neque vero in illo aut modestiæ comitas, aut comitati modestia officiebat. Largissima erat in eo erga inopes, atque egenos misericordia. Ardor animi erga res divinas præsertim cum ad Sacra Mysteria. uti crebro solebat, accederet, ita ex vultu ipso atque ore emicabat, ut in admirationem sui oculos intuentium raperet. Pudor autem prorsus in eo singularis, ut vel in tenera adhuc ætate, morbo licet urgente, nemini unquam, ne Matri quidem curpusculi ipsius partem ullam adspicere nudam licuerit.

Ilerdæ non aliâ utique, quam eximie suæ commendatione virtutis, cunctis quum Magistrorum, tum Condiscipulorum suffragiis universæ studiosæ juventuti præfatus ac princeps

(VI)

renunciatus, ejusmodi honore, ac munere sic functus est, ut qua voce, qua exemplo (quod quidem suavissimum, idemque efficacissimum monendi genus est) segnes ad studia, dissidentes ad concordiam, improbos ad virtutem adhortaretur. Et quidem industriæ suæ fructum tulit, quem maxime optarat. Alia enim jam facies extitit juventutis in Scholis, in Templis, in Nosocomiis, ut propterea qui tam præclare meritum de Scholis JOSEPHUM fasciperent, eundem veluti delapsum e Cælo Angelum venerarentur.

Itaque coram eo nemo erat, qui impudenter dicere aliquid, vel indecore facere auderet. Tam spectatam virtutem, ac præsertim animi castimoniam teterrimus humani generis hostis ferre non poterat. Itaque ad eam labefactandam usus est impudentiâ nobilis cujusdam sceminae, quam JOSEPHUS veterem suæ cum familia illius necessitudinem retinens, invisere subinde consueverat. Sed castissimus Juvenis blandientis sceminae illecebras tantâ animi exhorrescentis constantiâ elusit, ac respuit, ut non satis haberet, quod e domo illa, tanquam ex infami scopulo sese proripuisset; nisi etiam ex Urbe ipsa, uti præstitit, aliò demigraret, ut alterius magis, vel famæ, vel pudicitia, quam castimonie suæ periculum declinaret. Post gratias igitur impense actas Deiparæ, cujus tam præsentem in eodiscrimine opem expertus erat, initaurato etiam virginitatis voto, statim Complutum profectus est, ubi novum innoxio quantumvis corpori ciliciis, inedia, vigiliis bellum indixit.

Peracto denique studiorum curriculo, laureâ donatus, tametsi nondum Sacris majoribus initiatus ab Episcopo Jaccæ socius laborum adscitus est, non sine magna Diœcesis utilitate. Jamvero mortuo Fratre sine liberis, a Parente in spem Familie destinatus ad nuptias, morbo interveniente periculoso atque ancipiti, ab iis sese expedit. Quum enim ad mortem decumberet, in eo temporis articulo facile a Parente JOSEPHUS obtinuit, ut si convalesceret, coelibem agere vitam liceret. Itaque præter omnem opinionem recuperatâ valetudine Sacrorum Ordinum susceptione ut primû potuit, totû se Deo mancipavit. Neque
vero

verò diu licuit JOSEPHO sibi uni vacare. Cognita enim illius pietas, sapientia, integritas fecit ut a pluribus Episcopis in Pastoralis sollicitudinis partem advocaretur. Quibus illè quidè non mediocri laborum fructu operam egregie navavit, præsertim in Urgelleni Diocesi, quum commissū sibi peculiaris asperimorū locorū visitationis munus expleret. Multa sibi relata in melius, multa provisā prudenter, magnis propterea exhaustis laboribus, atque adeo non semel adito vitæ periculo. Barcinonem deinde Regiā missus auctoritate scissā in factiones duas Civitatem, atque in mutuas mox cædes fæditissime ruituram (quod optare magis, quam sperare Cives possent) ad concordiam & pacem consilio, & fulis ad Deum precibus revocavit. Charitatis hoc & prudentiæ; illud animi demissionis fuit, quod, ut paratos sibi honores defugeret, oculis, atque aspectui plaudentium sibi Civium sese subducens, Urgellam statim reversus est, a qua tamen majus quoddam humilitati suæ instare ab Rege periculum suspicatus, ob rem tantam jam pervulgatam, haud ita multo post proficiscens ætatis suæ anno secundo supra trigessimum Romam, quò divinitus vocabatur, se contulit.

Vitam in Urbe JOSEPHUS absconditam cogitabat: sed a Cardinali Columna, qui præstantiam illius ab Episcopo Urgelleni cognoverat, in Aulam suam adscitus est, ut sibi Theologus a studiis, ac Fratris Filio præterea optimæ spei adolescentulo morum magister esset. Verum non is erat JOSEPHUS, qui Aulæ honoribus caperetur, cum non semel Dignitates amplissimas repudiaverit. Illud enim sibi proposuerat jam dudum ut Deo maxime, & proximorum saluti inserviret. Itaq; ut ampla laborum, & meritorum seges suppeteret, quinque se celeberrimis Romæ sodalitatibus adscribi voluit, earumq; Sanctissimas leges sublevandis pauperibus, invisendis ægris, erudiendis aegrestibus, ac plebeiis tam sedulo, ac naviter observabat, ut incenso suo studio cæteros omnes ad eadem charitatis officia inflāmarèt. Grassante per Urbē lue, hic enim vero, si umquam antea, quid christiana charitas possit, maxime ostendit. Nul- lum enim ab eo erga ægros, & pauperes officium defuit. Quæ quidem in re misericordie, atq; humilitatis assidua erat exerci-

atatio

tio. Talis namq; ac tantus vir, onustum cibariis, ac pharmacis afellum per vias agere, & cum Sancto Camillo de Lillis, cui se focium addiderat, ad egentium, atque ægrotantium domos deferre nequaquam erubefcebat. Neque vero cum iuvandis proximis tantum temporis impertiret; spatiū illi deerat ad ea, quæ cultus Dei sunt, obeunda. Etenim ut præter cætera, quæ sibi proposuerat, Religionis officia, septem Urbis Ecclesias, quod a multis jam annis solemne habebat, inviseret, e nocturna quiete partem sibi maximam detrahebat.

Sed majus profecto aliquid, quod non ad Urbem modo, sed ad Christianā Rempubicā pertineret, JOSEPHUS aggressus est. Quum enim vir æternæ proximorū salutis maxime studiosus videret pueros, præsertim infimæ sortis necessaria instructione carere; qua ex re cū inscitia passim vitia inolefcerent, primo quidem sūmpto suo Magistros quæsit, qui pueros, præeunte ipso, ac pauperrimos sibi deposcente, primis literarum, ac christianæ doctrinæ elementis imbuerent. Sed quum id ad tempus duntaxat, & paucis profuturum intelligeret, novum quoddam Institutum meditatū est, cujus operā assidua illa charitatis in edocendis adolescentibus exercitatio perpetua maneret: quod quidem Institutum, cum peculiarem potissimum profiteatur curam circa puerorum eruditionem, adeo ab omnibus commendari, & expeti cœpit, ut ipse JOSEPHUS adhuc vivens in septem Provincias late per Orbem diffusas, benedicente Domino, propagatum conspexerit.

Sed quam multas, quamque acerbas ob eam rem a domesticis ipsis, nedum ab aliis injurias, calumniasque pertulerit, haud facile dictū est. Illud sit instar omnium quod felicis recordationis Benedictus XIV. Prædecessor Noster, ut perhibent, aspera quæque atque indigna, quæ Servo Dei ad extremam usque ætatem subeunda fuerunt, animo reputans; JOSEPHUM Jobum alterum appellare non dubitavit. Hujusmodi autem incredibilis patientia, atque animi æquitas tunc maximè enituit, cum ex infanda calumniatoris nequissimi delatione comprehensus, ac tota spectante Urbe, satellitum manu stipatus, ad carceres perductus fuit, ut hominibus quidē ludibrio, Angelis vero

(IX)

vero admirationi esse & gaudio. Etenim mitissimo atque humillimo viro, qui statim compertus innocens, ut impactæ calumniæ labes abstergeretur, summo cum honore cunctis plaudentibus domum reductus est, expetendum id magis visum fuit, quam dolendum. Illud utique dolendum maxime, atq; acerbum accidit, quod vineam ab se tanto labore, ac studio plantatam, quæq; palmites suos longe lateq; extenderat, dissipatam jam, atq; a singulari Fero pene exterminatam conspexit.

Attamen in his etiam rerum asperitatibus ne vestigium quidem de gradu constantiæ dejectus, ostendit quam vere scriptum sit: Justum non contristare quidquid acciderit. Contumeliis enim & conviciis laceffitus impudentissimis, ita se gerebat, ut iis delectari videretur. Obtrectatoribus suis, quos coercere facile potuisset, non aliam rependit vicem, quam quæ à Christo præscripta est, ut bene scilicet precaretur iis, à quibus injuriam acceperat. Sed & Deus ipsi tam admirabili patientiæ cœlestem aliquam vel in terris mercedem rependit. Deiparam enim cum puero JESU videre meruit sibi, & commissis suæ disciplinæ adolescentulis benedicientem. Illius modo vultus inter orandum, modo corpus totum, dum Sacris operatur, cœlesti lumine circumfusum, atq; e terra sublime conspectum est. Illum in cubiculo preces fundentem Beatissima Virgo ad specu, alloquioq; suo recreavit. Dono præterea Prophetiæ non caruit, qua vel futura prædiceret, vel arcana cordium penetraret. Absentibus invocatus præsto erat. Filiis suis pariter longo licet intervallo disjunctis aderat, ut vel moneret, si quid forte delinquissent, vel Parantibus ad eum scribere in ipso articulo temporis responderet. Ejus item contactus ægrotantibus salutaris erat, præsentia Dæmonibus formidolosa.

Sed jam suprema dies aderat, qua JOSEPHUS ejusdem præsciis, post labores tam multos, post tam longas ærumnas sempiternâ quiete ac beatitudine potiretur. Itaq; correptus morbo, quem Medici levem, & ultimum ipse affirmabat, Christianarum virtutum, earumq; maxime, quæ id tempus polceret in occursum Domini parare se impense studebat. Morbi autem vim non patientia modo ipse: atque animi æquitas, sed etiam

Beatissimæ Virginis, aliorumq; coelitem visiones suavissimæ
 leniebant. Inter eas porro illa utiq; jucundissima, qua eadem
 Dei Mater sese illi conspiciendam dedit, complurium, qui reli-
 giosæ illius disciplinæ Alumni fuerant numero comitata. Aliâ
 præterea visione Servum suum Deipara cum Sanctissimo Filio
 suo recreavit, pollicita insuper fore ut Ordo ab ipso institutus,
 de quo sollicitus erat, ne forte interiret, protegente se reflore-
 sceret. Quod quidem, cum ad erigendos in spem suos magno-
 pere pertinere existimavit se salvâ modestiâ posse id eisdem pa-
 lam facere, atq; adeo debere. Sanctissimo deinde Corporis Chri-
 sti viatico roboratus quatuor e suis Alumnis in Vaticanum mit-
 tendos duxit: duos quidem qui Sancti Apostolorum Principis
 æneam Statuam venerari pium illius pedibus osculum darent,
 cœu testem Catholicæ Romanæ Fidei, in qua emori, uti vixerat
 Josephus optabat: alios vero duos, qui a Summo Pontifice Chri-
 sti Vicario plenam culpæ omnis, ac poenæ remissionem, ipsius
 nomine peterent, atq; impetrarent. Sacrâ denum unctione mu-
 nitus, lacrymas inter, ac preces suorum, sublatis ad Cælum ocu-
 lis, & pendentis e cruce Christi imaginem osculatus, post in-
 vocationē suavissimi Jesu nominis ter iteratam, sui compos, &
 sensibus valens, pacatissimum Conditori suo spiritum reddidit,
 octavo Kalendas Septembris anni Domini MDCXLVIII. Illud
 autem sane admirabile quod e tam cari Parentis obitu non mæ-
 ror, ut assolet, sed inusitata quædam lætitia filiorum ipsius ani-
 mos repente occupavit, manantibus jam præ gaudio lacrymis,
 quas antea dolor expresserat. Defuncti corpus majestatem quæ-
 dam præferens rapiebat oculos, suavemq; ac cælestē utiq; o-
 dorē efflabat. Jamverò virginalis illius eximii pudoris etiam si
 alia nulla, cum inter mortales ageret, indicia extarent, illud u-
 num satis abunde foret, quod mortuus edidit planè admiran-
 dum. Quum enim Cadaver, detractio ut ablui posset indusio nu-
 datū esset, manus illius dextera, nullo alterius impulsu, statim
 partes eas cooperuit, quas verecundia conspiciere vetat: atq;
 ut evidentius adhuc tam singulare pudoris studium appareret,
 dimotâ per eos, qui adierant, mortui dexterâ, sinistra pariter ne-
 mine impellente ad partes eas obtegēdas dexteræ vicē supplevit.

Jam-

Jamvero cum SERVI DEI corpus ad Sacram Ædem Sancti Pantoleonis afferretur, quadriennis puer: En Sanctus inclamavit, ore lactenti, en Sanctus advenit. Magnus deinde concursus totius ferme Urbis ad funus illius celebrandum, præfertim post miracula, quæ complura statim patrari per invocationem SERVI DEI cœpta sunt. Quæ cum ad aures felicitatis recordationis Innocentii Papæ X. Prædecessoris Nostri pervenissent, tum ipsius, tum Cardinalis in Urbe, ejusq; Districti Vicarii nomine Religiosis ipsius Filiis, qui spectatores, ac testes extiterant, demandata cura est, ut ea fideliter, atq; accurate perscriberentur, ad eorum deinde, quorū interest, examen debitū revocanda. Quum autē novis indies miraculis SERVI DEI Sanctitas coruscaret, ejusq; fama increbesceret, Cardinalis primū in Urbe Vicarii, Apostolica deinde authoritate cœptū est agi de Virtutū illius excellentia. Quæ quidem cum in Congregatione S. R. E. Cardinalium Sacris Ritibus præposita, communi Patrū judicio ad heroicū gradum pertigisse constaret, sanctæ memoriæ Benedictus XIII. Prædecessor Noster eorundem judiciū decreto suo confirmavit die octava Septēbris MDCCXXVIII. In Miracula deinde authoritate Apostolica per tres Episcopos inquisitum, iisq; rite in acta relatis, ac duobus ex illis Patrum suffragio dignis, probatu compertis, ejusdē memoriæ Benedictus XIV. Noster item Prædecessor, consulto multis præcibus Deo, Patrum judicium, acceptā divinitus authoritate, ratum habuit, atque approbavit die Maji decima anni MDCCXLVIII.

Ac primum quidem Miraculum patratū est in Margaritha Tanteri Virgine Florentina, quæ decenni aneurismatā in ultimū vitæ discrimen adducta, post imploratā JOSEPHI opē, puncto tēporis integrā valetudinē recuperavit. Miraculū alterum conspectum est in Christina Ceccherina Virgine ex eadē itidē Civitate Moniali, inter eas, quæ Cappucinæ vocantur. Hæc enim per septennium variis simul morbis implicata, ut immobilis jam citra spē ullā decumberet, opitulante JOSEPHO, perfecte atq; integre, divinitus repente convaleuit. Quum igitur de JOSEPHI virtutum heroica excellentia, & perspicua miraculorū nota satis abundeq; constaret, laudatus Benedictus XIV. nihil amplius cunctandū ratus, die VII. Augusti anni ejusdem.

MDCCX-

MDCCLXVIII. datis Apostolicis literis, JOSEPHUM Beatorum factis adscripsit.

Sed novis subinde cœlestibus signis, Servi Sui Sanctitatē Deo declarante, ut reliqui summi honores JOSEPHO decerni possent, authoritate Apostolica de recentioribus, quæ ferebantur per eundem patrata miracula, quæstio de more instituta est quæ feliciter expletâ, duo potissimum præ cæteris Patrū Sacrorum Rituum Congregationi præpositorum calculo probatu digna sunt habita, & Nos ipsi probavimus die xxv. Maji MDCCLXVI. Ac primū quidē editū est in Maria-Constantia Caminati Genuensi Uirgine, Moniali in Monasterio Ordinis Sanctæ Claræ extra mœnia Civitatis Tuderti. Phtisim illa jamdudum paterna in domo contraxerat, quam aliquamdiu dissimulatam celare amplius non potuit. per undecim ipsos annos, assidua febris deterioram diem symptomata tertium morbi illius gradū clare indicantia; Scirrhus in jecore duro extrinsecus, & late fuso tumore se pandens, aliaq; exinde subnascens morborū genera eò jam ægrā adduxerant, ut pelle dumtaxat atque ossibus, nulla prætera corporis parte constare videretur. Itaq; non semel extremo sacramentorum subsidio munita, nihil jã aliud opperiri poterat, quam ut e consumpto corpore anima demigraret. Sed desperatâ humanitus valetudinem pia Monialis per BEATUM JOSEPHUM divinitus est consecuta. Quum enim brevi, quæ morbus in lectulo fineret, novemdiali prece illius se patrocinio commendasset, die ipsâ, quæ nona & postrema erat institutæ præcationis, placide consopita, & somno (quod numquã antea contigerat) diu producto, morbi vim omnem discussam sensit. Eodem tempore color vultui, vires corpori redditæ, quodq; magis utiq; mirandum fuit, caro non modo restituta, sed ea visa est addita, quæ fortasse nunquam extiterat. Neq; vero integra tantū fuit valetudo, sed etiã perpetua.

Altera superans naturæ vim sanatio contigit Vincentiæ Buada Valentiniæ. Hæc enim tres vel quatuor annos nata, ex gravi lapsu; (dum per ludum ab imprudenti quopiam jactatur in area, & excipitur) luxatis aliquot spinalis medullæ vertebrais, gravibus primū morbis, perfectâ dein cōprehensa fuit paralyti, ita quidē, ut crura obinterclusos succi vitalis meatus, arida

da jã ac penè lignea motũ & sensũ omnẽ amississent. Conversa igitur puella ad cœlestem opem, quandoquidem in humanis remediis nulla jam reliqua spes erat, novendiali obsequio BEATI JOSEPHI auxilium implorat. Eo peracto, nondum tamen compos voti facta erat: Sed Patre admoveate, brevi adhuc fusa prece, ea ipsa die, momento temporis motum, sensum, & quod mirandum est magis; carnem recuperavit.

Post hæc ejusdem Congregationis generalis die xxiii. mensis Septembris anni proximi elapsi coram Nobis habitæ consilium audivimus. an juxta consultissimas leges a Prædecessoribus Nostri ipsi Congregationi præscriptas, tuto ad BEATI JOSEPHI Canonizationem procedi posset, & quamvis in ea suffragium ferentes unanimi consensu id affirmaverint, nihilominus, ut accuratius causam perpenderemus, precibusque cum nostris, tum aliorum in re tanti momenti Divinum promeremur auxilium, non nisi die xii. subsequentis mensis Octobris decretum, quo ad solemnem BEATI JOSEPHI Canonizationem, servatis servandis, quancumque procedi posset, edi jussimus.

Interim vero Charissimus in Christo Filius Noster Carolus Hispaniarum Rex Catholicus, ut hoc decretum ad effectũ perduceretur, se summopere optare Nobis significavit: ac dilecti filii Ordinis Clericorum Regularium Scholarum Piarum Superiores proprio, & cunctorum illius Professorum nomine assiduas Nobis preces porrigebant humillimas, ut eum, a quo divini numinis afflatu leges exemplo suo confirmatas acceperant, supremo tandem cultu decoratum conspicerent, & venerarentur.

Ut itaque quod supererat, ad Sacrorum Canonum normã & juxta venerabilia eorundem Prædecessorum Nostrorum instituta perficeremus, universi primum Collegii Fratrum Nostrorum S. R. E. Cardinalium consilium exquisivimus in Consistorio Secreto die xxvii. Aprilis proxime preteriti habito, in quo Nos ipsi summam virtutum, & miraculorum BEATI JOSEPHI, nec non seriem eorum omnium, quæ in ejus causa gesta fuerant, ipsis exposuimus, cunctisque adsentientibus, ut ad supremam gravissimo huic negotio manum imponendam progredieremur, quamplures Venerabiles Fratres Archiepiscopus, & Episcopus ex universa ferme Italia in Urbem acci-

vimus,

vimus. eos quoque antequam definitivam sententiam ferremus in consilium adhibitori.

Hi omnes causam totam perdidicerunt, tum ex peroratione in Consistorio publico die VII. mensis Maji proxime preteriti coram Nobis habita a dilecto filio Alexandro Tozzi Nostræ Consistorialis Aulæ Advocato, tum ex plena, accurataque relatione gestorum, & virtutum BEATI JOSEPHI, cū Miraculis e Tabulario sæpeditæ Congregationis Sacrorum Rituum desumpta, quæ typis impressa singulis tradita fuit.

Coacto propterea die prima proxime etiam elapsi mensis Junii semipublico Consistorio, in quo præter eorundem Fratrum Nostrorum S. R. E. Cardinalium Collegium, omnes iidem Patriarchæ, Archiepiscopi, & Episcopi, qui hac ipsa de causa in Urbe aderant, sessionem habuere, factaque omnibus dicendæ sententiæ potestate, spectabilem hujusmodi Confacerdotum coronam summa consensione audivimus ad BEATI JOSEPHI Canonizationem Nos adhortantem. Qua de re omnium suffragia proprio singulorum chirographo subscripta colligi, & in Tabularium Romanæ Ecclesiæ referri jussimus: mandantes præterea dilectis filiis Sedis Apostolicæ Notariis, ut super solemnibus publicis instrumentis conficerent.

Indictâ deinde ad perficiendum Canonizationis Actum hodierna die, qua solemnia Coronationis nostræ recurrunt, postquam superiori hebdomada per triduum omnes Christiani fideles ad jejunium hortati fueramus, tribus Patriarchalibus Basilicis designatis cum plenariæ Indulgentiæ concessione, ut ad impetrandum Divini Spiritus lumen Fideles ipsi suas nostris adderent preces. Hac demum die congregatis in Vaticano omnibus virisque Cleri Ordinibus, & Curiæ, ac Aulæ nostræ Proceribus, præcipue vero Venerabilibus Fratribus Nostris S. R. E. Cardinalibus Patriarchis, Archiepiscopis, & Episcopis, solemnibus supplicationibus divinam Majestatem exorantes, ad Basilicam Principis Apostolorum processimus. Ibi autem cum dilectus Filius Noster Carolus Tituli S. Clementis S. R. E. Presbyter Cardinalis Rezzonico nuncupatus ejusdem S. R. E. Camerarius, pro Canonizatione impetranda Procurator designatus enixa Christianorum Principum, Antistitum, Capitulum, Ecclesiarum, Magistratumque, ac totius
Ordi.

(XV)

Ordinis Clericorum Regularium Scholarum Piarum vota, atq;
preces Nobis obtulerit pro solemnī Canonizatione ipsius BÉ-
ATI JOSEPHI, ac etiam BEATORUM JOANNIS CAN-
TII, JOSEPHI A CUPERTINO, HIERONYMI ÆMILI-
ANI, SERAPHINI A MONTE GRARIO, ABASCULO
denominati & JOANNÆ FRANCISÆ FREMIOT DE CHAN-
TAL, Nosq; semel, iterum, ac tertio rogaverit, ut exopta-
tam dudum sententiam pronuntiantes, commune gaudium ex-
pleremus. Ideo Nos implorato prius universæ cœlestis Cu-
riæ præsidio, & advocato cum gemitibus Paraclyto Spiritu,
eoque sic inspirante, ad honorem Sanctæ & Individuæ Tri-
nitatis, ad exaltationem Fidei Catholicæ, Religionis augmentū,
authoritate Domini Nostri Jesu Christi, Beatorum Apostolorū
Petri & Pauli, ac Nostra, B. JOSEPHUM CAALSANCTI-
UM A MATRE DEI Ordinis Clericorum Regularium Scho-
larum Piarum Fundatorem, omni christianarum virtutum ge-
nere ornatū, de re christiana optime meritum, cœlestium
donorum copiā, & miraculorum gloriā prælustrem, Sanctum
esse definiendo prenunciavimus, & una cum prædictis JO-
ANNE CANTIO, JOSEPHO A CUPERTINO, HIERO-
NYMO ÆMILIANI, SERAPHINO A MONTE GRANA-
RIO, ABASCULO denominato, & JOANNA FRANCISCA
FREMIOT DE CHANTAL, Sanctorum Ecclesiæ factis ad-
scripsimus. Decernentes, juxta Benedicti XIV. Prædecesso-
ris præfati literas, ipsius SANCTI JOSEPHI CALASAN-
CTII memoriam Sexto Kalendas Septembris, qua nimirū
die illius Corpus tumulo demandatum fuit, in universa Eccle-
sia quotannis recolendam esse, ac ritu debito celebrandam. Ac
omnibus Christifidelibus, qui in Ecclesia Sancta Pantaleonis de
Urbe nostra, ubi SANCTI JOSEPHI mortales exuviæ colun-
tur, eadem designata die religiose accedent ac Deum Optimum
Maximum juxta Nostram, & Piæ Matris Ecclesiæ mentem
precati fuerint, Indulgentiam septem annorum, & totidem quo-
dragenarum perpetuo in forma Ecclesiæ consueta concessimus.

Mox decantato pro debita gratiarum actione laudis, & con-
fessionis Hymno, ad Aram Basilicæ Maximam supra Sacratissi-
mam Principis Apostolorum Confessionem incruentam salutis
huma-

(XVI)

humani generis hostiam oblaturi reverenter accessimus, & facta eorundem Sanctorum speciali commemoratione post Evangelicam lectionem a Diaconibus latinâ, & græcâ linguâ decantatam, iusta & sancta exultatione spiritus sensimus Nos impelli, ut Venerabilem Sacerdotum coronam, & Populum universum, quem Religionis studium, atque Apostolicæ Sedis reverentia non ex Urbe modo, sed ex longinquis etiam Regionibus attraxerat; ad eorundem Sanctorum virtutes imitandas, & Patrocinium promerendum, Paterno affectu breviter adhortari, & accendere conaremur. Denique inexhausti Ecclesiæ thesauri divitias in eos qui adstabant Fideles veluti effundentes, Plenariam omnium peccatorum Indulgentiam, & remissionem misericorditer in Domino concessimus.

In hac autem tum nostræ, tum Populi totius Fidelis iustissima exultatione nostræ huic Urbi dilectissimæ alia profecto quædam peculiaris est causa, cur non modo S. JOSEPHO, sed etiam sibi magnopere gratularetur. Solatium est enim non parvi utique faciendum, quod venerabile JOSEPHI corpus apud Nos extat, quasi amoris erga Nos sui perenne pignus, & monumentum. Nam etsi ubique Terrarum Coelites clientibus suis opem impertiantur, ibi tamen & uberius id, & frequentius præstare solent, ubi corpore hoc est aliqua sui parte adhuc resident. Ad JOSEPHI ergo tumulum in angustiis, in periculis, in rebus dubiis quisque accedat, per hæc præsertim tam plena ærumnis, & calamitatibus tempora, nec dubitet, quin cum ex iis, quæ passus est, tam multa, tam aspera, patientiam didicit in Terris agens; regnantem modo gloriosum in supernis ædibus pium erga se, & propitium experiatur.

Quoniam vero post prolatam a Nobis Canonizationis sententiam, ab eodem Cardinale Procuratore Nobis humiliter supplicatum fuit, ut super præmissis omnibus Apostolicas literas perpetuo valituras decernere, & edere dignaremur; ideo Nos iustissimæ annuentes petitioni, præsentium tenore omnia & singula præmissa confirmamus, roboramus, atque iterum statuimus, decernimus, atque universæ Catholicæ Ecclesiæ denunciamus. Mandantes, ut earundem præsentium exemplis, etiam impressis, manu alicujus Notarii publici subscriptis, & sigillo
Perfo-


(XVII)

Personæ in Ecclesiastica Dignitate constitutæ munitis eadem prorsus fides ab omnibus habeatur, quæ ipsi præsentibus adhiberetur, nisi forent exhibitæ vel ostensæ.

Nulli ergo omnino hominum liceat paginam hanc nostræ definitionis, decreti, adscriptionis, mandati, statuti, & voluntatis infringere, vel ei ausu temerario contraire; si quis autem hoc attentare præsumperit, indignationem Omnipotentis Dei, ac Beatorum Petri & Pauli Apostolorum ejus se noverit incursum.

Datum Romæ apud Sanctum Petrum, Anno Incarnationis Dominicæ MDCCLXVII. Decimoseptimo Kalendas Augusti Pontificatus Nostri Anno Decimo.

✠ Ego Clemens Catholicæ
Ecclesiæ Episcopus.



- ✠ Ego C. A. Episcopus Ostien. & Veliternen. Card. Cavalchini, Sacri Collegii Decanus.
- ✠ Ego F. M. Episcopus Portuen. & S. Rufina Card. Lantes.
- ✠ Ego J. F. Episcopus Sabien. Card. Albani.
- ✠ Ego H. Episcopus Tusculan. Card. Dux Eboracensis S. R. E. Vicecancellarius.

✠ Ego

✠ Ego F. Episcopus Albanen. Cardinalis Sebellonus.

✠ Ego J. F. Episcopus Prænestin. Card. Stuppanius.

✠ In illi ergo omnino hominum licet prænam hanc nos
✠ debitionis, decreti, adscriptiois, mandati, statuti,
✠ voluntatis infringere, vel ei ausu temerario contraire; si
✠ autem hoc amentate præsumpserit, indignationem Omnia
✠ potentis Dei, ac beatorum Petri & Pauli Apostolorum eius
✠ se noverit incursurum.

✠ Datum Romæ apud Sanctum Petrum, Anno Incarnationis
✠ tonis Dominice MDCCCLXVII. Decimoseptimo Kalendas
✠ Augusti Pontificatus Nostri Anno Decimo.

✠ Ego Clemens Catholicæ

✠ Ego C. Tit. S. Clementis Presbyter Card. Rezzonico S.R.E.
Camerarius.

✠ Ego F. M. Tit. Sancti Silvestri in Capite Presbyter Car-
dinalis de Rubeis.

✠ Ego J. M. Tit. S. Alexii Presbyter Card. Castelli.

✠ Ego C. Tit. Sancti Petri ad Viucula Presbyter Cardinalis
Elephantutius.

✠ Ego P. H. Tit. SSma Trinitatis in Mont Pincio Presbyter
Card. Guglielmi.

✠ Ego P. P. Tit. S. Stephani in Monte Cælio Presbyter Card.
de Comitibus.

✠ Ego Fr. L. Basilicæ Sanctorum XII. Apostolorum Presbyter
Card. Ganganelli.

✠ Ego M. A. Tit. Sanctæ Mariæ de Pace Presbyter Cardinalis
Columna.

✠ Ego M. A. Episcopus Formosæ S. Rufinæ Card. Lan-
gani.

✠ Ego M. A. Episcopus S. Rufinæ Card. Lan-
gani.

✠ Ego M. A. Episcopus S. Rufinæ Card. Lan-
gani.

✠ Ego

- * Ego S. Tit. S. Joannis ante Portam Latinam Presbyter Card.
Buonaccorsi.
 - * Ego J. C. Tit. S. S. Joannis & Pauli Presbyter Card. Bo-
schi Major Penitentiarius.
 - * Ego L. Tit. S. Anastasie Presbyter Card. Colinus.
 - * Ego A. Tit. Sancte Mariae in Via Presbyter Cardinalis Co-
lumbia Branciforti.
 - * Ego P. Tit. S. Mariae Transiberim Presbyter Cardinalis
Pamphilius.
 - * Ego Ph. M. Tit. S. Chrisogoni Presbyter Card. Pirellius.
 - * Ego A. Sancte Mariae in Via-Lata Prior Diaconorum Car-
dinalis Albanus.
 - * Ego N. S. Eustachii Diaconus Card. Corfinus.
 - * Ego D. S. Mariae ad Martyres Diaconus Card. Ursinus.
 - * Ego Fl. Sancte Mariae in Porticu Diaconus Card. Chisius.
 - * Ego A. M. Sancte Agathe ad Suburam Diaconus Cardina-
lis Terrigiani.
 - * Ego J. C. Sancti Cesarei Diaconus Card. Caracciolus de
Sancto Bono.
 - * Ego N. Sancti Gergii in Velabro Diaconus Card. Perrelli.
 - * Ego A. Sancti Angeli in Foro Piscium Diaconus Cardinalis
Corfinius.
 - * Ego A. Sancturum Viti & Modesti Decanus Cardinalis
Nigronus.
 - * Ego Ae. S. Sancti Adriani Diaconus Card. Piccolomineus.
- * Ego

(XX)

✠ Ego X. Sanctae Mariae de Scala Diaconus Card. Canale.
✠ Ego B. Sanctorum Cosmae & Damiani Diaconus Cardinalis
Veterani.

✠
✠
✠
✠
✠



C. Card. Pro-Datarius. A. Card. Nigronus.

VISA.

De Curia J. Manassei.

L. Eugenius.

Loco ✠ Plumbl.

Registrata in Secretaria Brevium.

Vincentius Macedonius Sacrorum Rituum
Congregationis Secretarius.

